

館守倭問于島主矣今館守言得島書則云二廟即大猷嚴有而御筆既無致祭則請贈未安當報稟于江戶樂器香燭幣帛願依別單施行禮單馬炎程病傷可慮請得加數豫備且島主別單信使行節目請得禮曹回答報江戶且信使行日不遠請書給使臣以下負役官職姓名禮曹覆啓二廟香燭幣帛及使臣禮單等物依例備送御筆待其回報後稟定樂器等物造送禮單馬勿許加送島主奉行等別單回答前既不許今又懇請請依其願令菜府以前日行會別單回啓辭意書給使臣負役並為書送備邊司亦請許施從之○以兩西荐饑虜使疊到命出給管餉耗米平安道二千石黃海道一千石○辛丑夜白雲一道如氣起自東方橫過月上直指坤方○上以疾不詣館所遣大臣儀賓替行下馬宴數日後邀清使於仁政殿設宴○壬寅夜有氣如火光○癸卯流星出北極星下入北方○靈雲令義天雲興守枕挾娼醉挈于德寺寺即德興大院君齋宮也宗簿寺以聞命罷職○遠接使李觀徵狀啓言後勅以太皇太后上尊號出來云又言皇帝與中宮東宮偕來三月旬前當到瀋陽三處墓所擇吉行祭仍向兀羅地方混沌江打漁而還所謂中宮東宮皆皇帝之淑儀所謂混沌江距寧固塔為七八日程云○甲辰夜南北乾方有氣如火光○乙巳